

Broj: 01-01.3-1221-7/15 LH
Mostar, 29.04.2015. godine

Na osnovu člana 70. Zakona o javnim nabavkama ("Službeni glasnik BiH" broj 39/14 u daljem tekstu Zakon), te člana 15. Pravilnika o javnim nabavkama JP "Autoceste FBiH" d.o.o. Mostar i preporuke Komisije za javne nabavke konstatirane u Zapisniku o pregledu i ocjeni inicijalne i konačne ponude broj 01-01.3-1221-6/15 LH od 28.04.2015. godine direktor Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar donosi sljedeću:

ODLUKU
o izboru najpovoljnijeg ponuđača
u pregovaračkom postupku bez objave obavještenja o nabavci

I

Ugovor za pružanje usluga: „Oglašavanje na web portalu klix.ba“ u ukupnoj vrijednosti od 13.991,14 KM (sa uključenim PDV-om i popustom) dodjeljuje se ponuđaču: „InterSoft“ d.o.o. Sarajevo, sa registriranim sjedištem u ulici Kralja Tvrtka broj 12, Sarajevo, IDB: 4201139870000 na osnovu provedenih pregovora te dostavljanja prihvatljive ponude.

II

U skladu sa članom 70. stav (6) Zakona JP „Autoceste FBiH“ d.o.o. Mostar će ovu Odluku objaviti na svojoj internet stranici: www.jpautoceste.ba i to istovremeno s upućivanjem Odluke ponuđaču koji je učestvovao u postupku nabavke.

III

U skladu sa članom 98. stav (2) tačka a) Zakona JP „Autoceste FBiH“ d.o.o. Mostar će dostaviti na potpis Ugovor izabranom ponuđaču nakon slanja ove Odluke.

O b r a z l o ž e n j e

JP „Autoceste FBiH“ d.o.o. Mostar je, u skladu sa Odlukom o pokretanju postupka javne nabavke broj 01-01.3-1221/15 SL od 17.03.2015. godine, provelo pregovarački postupak bez objave obavještenja o nabavci, u skladu sa članom 21. stav (c) Zakona, sa ponuđačem „InterSoft“ d.o.o. Sarajevo. Postupak se provodi za pružanje usluga: „Oglašavanje na web portalu klix.ba“. Nakon provedenog postupka, pregleda i ocjene ponude, utvrđeno je da ponuda ponuđača: „InterSoft“ d.o.o. Sarajevo zadovoljava zadate kriterije i da je prihvatljiva za ugovorni organ.

Kriterij za dodjelu ugovora je „najniža cijena“.

U skladu sa članom 28. Zakona stav (4) ugovorni organ je objavio na svojoj internet stranici www.jpautoceste.ba informacije o pregovaračkom postupku bez objave obavještenja o nabavci koji namjerava provoditi na način da je odluku o pokretanju postupka nabavke učinio dostupnom za sve zainteresirane kandidate/ponuđače.

Ponuđač je u skladu sa tenderskom dokumentacijom dostavio inicijalnu ponudu. Komisija ugovornog organa je nakon pregleda i ocjene inicijalne ponude izvršila pregovore sa ponuđačem. Poslije provedenih pregovora ponuđač je dostavio svoju konačnu ponudu. Nakon pregleda i ocjene konačne ponude Komisija je ocijenila da ponuda zadovoljava zadate kriterije u tenderskoj dokumentaciji, da je prihvatljiva za ugovorni organ i dala preporuku ugovornom organu da se ugovor za pružanje usluga: „Oglašavanje na web portalu klix.ba“ dodjeli ponuđaču: „InterSoft“ d.o.o. Sarajevo, sa registriranim sjedištem u ulici Kralja Tvrtka broj 12, Sarajevo, IDB: 4201139870000.

Shodno navedenom ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove Odluke može se uputiti žalba u roku od trideset (30) dana od dana objave obavještenja o dodjeli Ugovora.

Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Zapisnik o pregledu i ocjeni ponuda

Izvršni direktor za
ekonomsko-finansijske poslove:

Ivan Šakota, dipl.ecc.



Direktor:

mr.sci. Ensad Karić

Dostaviti:

- „InterSoft“ d.o.o. Sarajevo
- a/a



Broj: 01-01.3-1221-6/15 LH
Mostar, 28.04.2015. godine

Sastanci održani 10.04., 20.04., 22.04. i 27.04.2015. godine u prostorijama JP "Autoceste FBiH" d.o.o. Mostar.

Ugovorni organ je pokrenuo pregovarački postupak bez objave obavještenja o nabavci koji se sprovodi u skladu sa članom 21. stav (c) Zakona o javnim nabavkama („Službeni glasnik BiH“ broj 39/14).

Poziv za dostavljanje ponude i na pregovaranje upućen je firmi „InterSoft“ d.o.o. Sarajevo, u sklopu koje radi web informativni portal klix.ba.

Prema web stranici Gemius/Valicon, gemiusAuduience, vodeće agencije za internet istraživanja podataka u srednjoj i istočnoj Europi, internet portal klix.ba je najposjećeniji informativni internet portal u BiH. Podaci istraživanja dolaze iz istraživačke i analitičke studije gemiusAuduience, prema definiranim standardima online mjerenja publike. Agencija Gemius nudi iznesene podatke besplatno.

Sastanku prisustvuju sva tri člana komisije imenovana rješenjem broj 01-01.3-1221-2/15 S.L. od 09.04.2015. godine.

U skladu sa članom 65. Zakona o javnim nabavkama („Službeni glasnik BiH“ broj 39/14), članom 20. Uputstva za pripremu tenderske dokumentacije i ponuda i članom 14. Pravilnika o javnim nabavkama JP „Autoceste FBiH“ d.o.o. Mostar, Komisija dostavlja:

ZAPISNIK O PREGLEDU I OCJENI INICIJALNE I KONAČNE PONUDE u pregovaračkom postupku bez objave obavještenja o nabavci

- a) Naziv i sjedište ugovornog organa: JP "Autoceste FBiH" d.o.o. Mostar;
- b) Predmet nabavke: Nabavka usluga: „Oglašavanje na web portalu klix.ba“;
- c) Evidencijski broj nabavke: 01-01.3-1221/15 S.L.;
- d) Posebni slučajevi i okolnosti iz čl. 21.-24. Zakona koji opravdava korištenje ovog postupka: Budući da se u konkretnom slučaju radi o zaštiti ekskluzivnih prava na pružanje reklamnih usluga odnosno marketinških usluga prema ciljanim grupama-subjektima, predmetni postupak se provodi u skladu sa članom 21. stav (c) Zakona o javnim nabavkama („Službeni glasnik BiH“ broj 39/14 u kojem je navedeno *„kada se iz suštinskih, dokazivih tehničkih ili umjetničkih razloga, ili iz razloga koji se odnose na zaštitu ekskluzivnih prava, ugovor može dodijeliti samo određenom dobavljaču“*. Naime, prema web stranici Gemius/Valicon, gemiusAuduience mjesec-godina, vodeće agencije za internet istraživanja podataka u srednjoj i istočnoj Europi, internet portal klix.ba je najposjećeniji informativni internet portal u BiH. Podaci istraživanja dolaze iz istraživačke i analitičke studije gemiusAuduience, prema definiranim standardima online mjerenja publike.



Klix.ba je jedini web-medij u BiH koji koristi najsvremeniji sistem upravljanja bannerima Doublebillboard dimenzija 960x250px koji su namjenjeni portalima sa velikim brojem posjeta.

- e) **Datum početka pregleda i ocjene inicijalnih/konačnih ponuda:** Inicijalnu ponudu Komisija je počela da pregleda 10.04.2015. godine u 12:00 sati.
Konačnu ponudu Komisija je počela da pregleda 22.04.2015. u 12:00 sati.
- f) **Datum slanja poziva na pregovaranje:** Komisija je pozvala ponuđača na pregovore o ponuđenoj jediničnoj cijeni. Pregovori su zakazani za 20.04.2015. godine u 10:00 sati.
Ponuđač se uredno odazvao pozivu na pregovore, te su isti izvršeni u prostorijama Ugovornog organa u zakazanom terminu. Nakon provedenih pregovora ponuđač se složio da ima osnova za odobravanje dodatnog popusta od 2% što bi rezultiralo konačnim popustom od 30% na ponuđenu cijenu. Također je predložio da umjesto odobravanja popusta većeg od 30%, dostavi posebnu izjavu kojom će ugovornom organu ustupiti dodatna prikazivanja reklamnih banera bez naknade (cca 275.000 dodatnih prikazivanja). Dogovoreno je da u što kraćem roku, a najdalje do 22.04.2015. godine u 16:00 sati ponuđač dostavi svoju konačnu ponudu. Tom prilikom su ponuđaču dostavljeni Obrasci Aneksa 2 i Aneksa 3 za konačnu ponudu;
- g) **Datum slanja poziva na izmjenu i/ili dopunu inicijalne ponude ili na dostavu konačne ponude:** Dana 20.04.2015. godine na provedenim pregovorima ponuđač je pozvan da dostavi konačnu ponudu. Dana 22.04.2015. godine u 10:18 sati Ponuđač je dostavio svoju konačnu ponudu, što je registrirano Zapisnikom o zaprimanju ponuda koji je sastavni dio ovog Zapisnika.
- h) **Naziv i sjedište svih ponuđača, prema redoslijedu zaprimanja inicijalnih i/ili konačnih ponuda:** U skladu sa Odlukom o pokretanju Pregovaračkog postupka bez objave obavještenja o nabavci broj 01.01.3-1221/15 S.L. od 17.03.2015. godine upućen je poziv za dostavljanje ponude ponuđaču „InterSoft“ d.o.o. Sarajevo, koji je dana 10.04.2015. u 11:24 dostavio inicijalnu ponudu.
Dana 22.04.2015. godine u 10:18 Ponuđač je dostavio konačnu ponudu
- i) **Podatke o pojašnjenju dokumenata u skladu sa članom 68. stav (3) Zakona ako ih je bilo:**
Nije traženo pojašnjenje dokumenata.
- j) **Analitički prikaz traženih i dostavljenih dokumenata na osnovu koji se utvrđuje postoje li razlozi isključenja ponuđača:**

A. Inicijalna ponuda

Ponuđač je uredno dostavio svoju ponudu do roka traženog u tenderskoj dokumentaciji. Nakon pregleda dostavljene ponude, Komisija za javnu nabavku je konstatala da je priložena sva tražena dokumentacija, te da je Ponuđač kompetentan, pouzdan i sposoban za izvršenje ugovora, uzimajući u obzir uvjete tražene tenderskom dokumentacijom:

1. Lična sposobnost ponuđača sukladno tački 4.2.2 tenderske dokumentacije

U svrhu ispunjavanja uslova lične sposobnosti ponuđač je trebao dostaviti popunjenu Izjavu ovjerenu kod nadležnog organa (organ uprave ili notar) da se na njih ne odnose slučajevi definisani tačkom 4.2.2 od a) do d) tenderske dokumentacije. Izjava se dostavlja u formi utvrđenoj Aneksom 5 tenderske dokumentacije.

Ponuđač je u sklopu dostavljene ponude dostavio:

Izjavu o ispunjenosti uslova iz člana 45. stav (1) tačka od a) do d) Zakona o javnim nabavkama BiH („Službeni glasnik BiH“ broj: 39/14) ovjerenu od strane notara.



2. Sposobnost obavljanja profesionalne djelatnosti

U svrhu dokazivanja profesionalne sposobnosti ponuđač treba uz Ponudu dostaviti dokaz o registraciji u odgovarajućem profesionalnom ili drugom registru u zemlji u kojoj je registrovan ili da obezbijedi posebnu izjavu ili potvrdu nadležnog organa kojom se dokazuje njegovo pravo da obavlja profesionalnu djelatnost, koja je u vezi sa predmetom nabavke. Dostavljeni dokazi se priznaju, bez obzira na kojem nivou vlasti su izdati. Dokazi koji se dostavljaju moraju biti originalni ili ovjerene kopije.

Ponuđač je u sklopu dostavljene ponude dostavio:

Rješenje o registraciji ovjereno od strane notara.

3. Sukob interesa sukladno tački 4.5 tenderske dokumentacije

Ponuđač je bio dužan uz ponudu dostaviti i posebnu pismenu izjavu da nije nudio mito niti učestvovao u bilo kakvim radnjama čiji je cilj korupcija u javnoj nabavci. Izjava je prilog tenderskoj dokumentaciji (Aneks 6).

Ponuđač je u sklopu dostavljene ponude dostavio:

Pismenu Izjavu iz člana 52 Zakona o javnim nabavkama („Službeni glasnik BiH“ broj: 39/14) ovjerenu od strane notara.

Komisija je konstatirala da ponuda zadovoljava zadate kriterije i da je Ponuđač kvalificiran za nastavak postupka.

B. Konačna ponuda

U konačnoj ponudi ponuđač je dostavio konačne Obrascce anekse 2 i 3 te Izjavu o ustupanju dodatnih prikazivanja banneru u skladu sa dogovorom koji je postignut na obavljenim pregovorima.

- k) **Naziv i sjedište ponuđača koji se isključuju te obrazloženje razloga njihovog isključenja:** Nije primjenjivo.
- l) **Analitički prikaz traženih i dostavljenih dokaza tehničke i profesionalne sposobnosti ponuđača:** Nije primjenjivo.
- m) **Prikaz traženih i dostavljenih garancija za ozbiljnost ponude:** Nije tražena garancija.
- n) **Podatke o pojašnjenju inicijalnih i/ili konačnih ponuda:** Nije traženo pojašnjenje.
- o) **Prikaz valjanosti inicijalnih i/ili konačnih ponuda prema obliku, sadržaju i cjelovitosti:** Komisija je izvršila procjenu početne/inicijalne ponude prema obliku, sadržaju i cjelovitosti i konstatirala da je ponuda dostavljena u skladu sa uslovima i kriterijima koji su utvrđeni u tenderskoj dokumentaciji. U dostavljenoj inicijalnoj ponudi ponuđač je ponudio ukupnu cijenu u iznosu od 12.299,90 KM (bez PDV-a sa uključenim popustom – cijena navedena u aneksu 3).
U dostavljenoj konačnoj ponudi ponuđač je ponudio ukupnu cijenu u iznosu od 11.958,24 KM (bez PDV-a sa uključenim popustom – cijena navedena u aneksu 3). Komisija je pristupila provjeri konačne ponude ponuđača prema uvjetima i kriterijima utvrđenim u tenderskoj dokumentaciji.
Na osnovu gore navedenog Komisija je konstatirala da ponuda zadovoljava zadate kriterije i da je prihvatljiva za ugovorni organ;
- p) **Analizu inicijalnih i/ili konačnih ponuda vezano uz ispunjenje zahtjeva u pogledu opisa predmeta nabavke i tehničkih specifikacija:** Inicijalna i konačna ponuda zadovoljavaju zahtjev u pogledu opisa predmeta nabavke i tehničkih specifikacija.
- q) **Podatke o ispravkama računskih grešaka u inicijalnim i/ili konačnim ponudama:** U dostavljenoj inicijalnoj ponudi Komisija je konstatovala računsku grešku



prilikom obračunavanja procentualnog iznosa popusta te je ista ispravljena u dostavljenoj konačnoj ponudi.

- r) Naziv i sjedište ponuđača čije čije inicijalne i/ili konačne ponude se odbijaju na osnovu rezultata pregleda i ocjene ponuda te obrazloženje razloga za njihovo odbijanje: Nije primjenjivo.
- s) Razloge za odbijanje inicijalne i/ili konačne ponude zbog neprirodno niske cijene: Nije primjenjivo.
- t) Analizu prihvatljivih konačnih ponuda prema kriteriju za izbor ponude: U sklopu konačne ponude Ponuđač je ponudio cijenu u iznosu od: 11.958,24 KM (bez PDV-a sa uključenim popustom).
- u) Rangiranje prihvatljivih konačnih ponuda prema kriteriju za izbor ponude:

NAZIV KOMPANIJE	CIJENA IZ OBRASCA PONUDE (sa uklj. PDV-om i popustom) (KM)	KORIGIRANE VRIJEDNOSTI		KORIGIRANI IZNOS CIJENE IZ PONUDE (KM)
		MATEMATIČKE GREŠKE	POPUSTI	
1. „InterSoft“ d.o.o. Sarajevo	13.991,14	-	30%	13.991,14

- v) Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor: Ponuđač INTERSOFT d.o.o. Sarajevo je dostavio prihvatljivu ponudu i ponudio prihvatljivu jediničnu cijenu.
- w) Podatke o dijelu ugovora koji se daje u podugovor i podatke o podizvođaču: Ponuđač nije izrazio namjeru podugovaranja.
- x) Podatke o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci: Dokaze za kvalifikaciju ponuđača ponuđač je dostavio u okviru inicijalne ponude.
- y) Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem: Komisija daje prijedlog Direktorju Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar da donese Odluku da se ugovor za nabavku usluga „Oglašavanje na web portalu klix.ba“ u ukupnoj vrijednosti od 13.991,14 KM (sa uključenim PDV-om i popustom od 30%) dodijeli ponuđaču „InterSoft“ d.o.o. Sarajevo koji je dostavio prihvatljivu ponudu.
- z) Datum završetka postupka pregleda i ocjene inicijalnih i/ili konačnih ponuda: Komisija je završila pregled i ocjenu inicijalne ponude dana 17.04.2015. godine u 16:00 sati.
Komisija je završila pregled i ocjenu konačne ponude dana 27.04.2015. godine u 15:30 sati.
- aa) Ime i prezime te potpis ovlaštenih predstavnika ugovornog organa koji su izvršili pregled i ocjenu inicijalnih i/ili konačnih ponuda:

Članovi komisije:

Mirza Resić, predsjednik komisije

Lejla Hodžić, član komisije

Narcisa Livnjak-Borić, član komisije

Za sekretara Komisije imenovana je Senada Lizde.



bb) Popis priloga uz zapisnik (zahtjevi za pojašnjenjem inicijalnih i/ili konačnih ponuda, zahtjevi za dostavu originala ili ovjerenih kopija traženih dokumenata, zahtjevi za prihvatanje ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja prihvatanje ispravke, mišljenje stručne službe ugovornog organa ili nezavisne stručne osobe ili sl.):

Prilozi:

1. Kopija zapisnika o vođenju pregovora i
2. Kopija Zapisnika o zaprimanju ponuda

Saglasan:



mi. sc. Enisad Karić, direktor



Broj: 01-01.3-1221-5/15 S.L.

Mostar, 20.04.2015. godine

ZAPISNIK O PREGOVORIMA

Sastavljen dana 20.04.2015. godine u 10:00 sati u Sali JP „Autoceste Federacije BiH“ d.o.o. Mostar, Operativni ured na adresi Dubrovačka 6 u Sarajevu, u predmetu: pregovori o dostavljenoj ponudi u pregovaračkom postupku bez objave obavještenja za nabavku usluga: „Oglašavanje na web portalu klix.ba“, koji se sprovodi u skladu sa članom 21. tačka c) Zakona o javnim nabavkama („Službeni glasnik BiH“ broj 39/14).

Prisutni:

1. Ivan Vidović, ovlašteni predstavnik „InterSoft“ d.o.o. Sarajevo
2. Mirza Resić, predsjednik komisije
3. Lejla Hodžić, član komisije,
4. Narcisa Livnjak-Borić, član komisije,

Poziv za dostavljanje ponude i na pregovaranje upućen je firmi „InterSoft“ d.o.o. Sarajevo, u sklopu koje radi web informativni portal klix.ba

Prema web stranici Gemius/Valicon, gemiusAudience, vodeće agencije za internet istraživanja podataka u srednjoj i istočnoj Europi, internet portal klix.ba je najposjećeniji informativni internet portal u BiH. Podaci istraživanja dolaze iz istraživačke i analitičke studije gemiusAudience, prema definiranim standardima online mjerenja publike. Agencija Gemius nudi iznesene podatke besplatno.

Komisija je nakon otvaranja zahtjeva za sudjelovanje – ponude, konstatovala da ista sadrži sve tražene dokumente u Tenderskoj dokumentaciji. U ponudi br. 1673/15 od 09.04.2015. godine, Ponuđač je dostavio ukupnu cijenu za zadate usluge oglašavanja i za procjenjene količine prikazivanja u iznosu:

od 12.299,90 KM bez uračunatog PDV-a i sa uračunatim popustom od 23,90 %.

Nakon otvaranja ponude i provjere dokumentacije tražene u Tenderskoj dokumentaciji konstatovano je da je Ponuđač kompetentan, pouzdan i sposoban za izvršenje ugovora, uzimajući u obzir:

- a) osobnu situaciju Ponuđača
- b) sposobnost za obavljanje profesionalne djelatnosti
- c) ekonomsku i finansijsku podobnost
- d) tehničku i profesionalnu sposobnost

nakon čega mu je upućen poziv na pregovore.

U skladu sa članom 21. tačka c) Zakona o javnim nabavkama, te na osnovu primljene ponude br. 1673/15 od 09.04.2015. godine Dobavljača „Intersoft“ d.o.o. Sarajevo provode se sljedeće procesne radnje:

1. Pregovori o tehničkim, ekonomskim i pravnim aspektima ugovora za „Oglašavanje na web portalu klix.ba“ vode se između Komisije za javnu nabavku JP „Autoceste Federacije BiH“ d.o.o. Mostar i Ponuđača „InterSoft“ d.o.o. Sarajevo, koga predstavlja ovlašteni predstavnik: g-din Ivan Vidović, prema predočenoj punomoći.
2. Pregovori se vode u Salí Operativnog ureda Sarajevo, Dubrovačka 6, Sarajevo. G-din Mirza Resić predsjednik Komisije za javne nabavke JP „Autoceste Federacije BiH“ d.o.o. Mostar imenovane Rješnjem broj: 01-01.3-1221-2/15 S.L. od 09.04.2014. godine konstatirao je da je prilikom pregleda ponude tokom računске kontrole uočena greška prilikom procentualnog iznosa popusta, te da je isti potrebno ispraviti predajom konačne ponude. Nakon izvršene računске kontrole utvrđeno je da ispravna procentualna vrijednost popusta iznosi 28% umjesto 23,90%. Na osnovu dosadašnje saradnje i iskustava iz prošlogodišnjeg ugovora, konstatovano je da su usluge oglašavanja standardnog karaktera, kao i podaci o posjećenosti internet portala. Procjenjeno je da je, uzimajući u obzir dosadašnje nivoe cijene oglašavanja, potrebno razmotriti mogućnost dodatnog popusta na ponuđenu cijenu.
3. Predstavnik Ponuđača g-din Ivan Vidović je obrazložio da je Ponuđač „InterSoft“ d.o.o. Sarajevo uračunavši sve troškove pružanja usluge u svojoj ponudi dao popust na količinu, dodatni popust i popust na godišnji ugovor, tako da je već ponuđen maksimalni mogući popust odnosno ponuđena najniža moguća cijena za prikazivanje traženog bannera. Jedinu beneficiju koju bi Ponuđač mogao ponuditi dodatna gratis prikazivanja.
4. Predsjednik komisije g-din Mirza Resić je konstatirao da javne nabavke ne poznaju pojam „gratis“ već samo egzaktnе podatke o ponuđenoj cijeni i odobrenom popustu, te da se još jednom razmotri ponuđena cijena i u okviru nje odobri maksimalno mogući popust.
5. G-din Ivan Vidović je predložio odobravanje dodatnog popusta od 2%, što bi rezultiralo konačnim popustom od 30% na ponuđenu cijenu. Također, je predložio da umjesto odobravanja popusta većeg od 30%, ponuđač dostavi posebnu izjavu, kojom će ugovornom organu ustupiti dodatna prikazivanja reklamnih bannera bez naknade (cca 275.000 dodatnih prikazivanja). Ova izjava će činiti sastavni dio budućeg ugovora. U ugovoru će se također, dodati konstatacija o besplatnom ustupanju dodatnih prikazivanja.
6. Dogovoreno je da će web portal „klix“.ba na poziv Predstavnikа JP „Autoceste Federacije BiH“ d.o.o. Mostar u najkraćem roku realizirati prikazivanje bannerа, kao i u slučaju intervencija na izgledu i sadržaju samog bannerа. Također, ovlašteni predstavnik Dobavljača će djelovati u pogledu savjetovanja Naručiоtеlја u svim segmentima izrade oglasa i samog oglašavanja.
7. U BiH za postojeće internet portale ne postoji nadležno tijelo tako da informativni portal klix.ba nije dostavio ovlaštenje, suglasnost ili slično kako je traženo tenderskom dokumentacijom.
8. Dogovoreno je da će svi eventualni sukobi i nesuglasice rješavati dogovorom

Ivan Vidović, „InterSoft“ d.o.o. Sarajevo

Mirza Resić, predsjednik komisije

Lejla Hodžić, član komisije,

Narcisa Livnjak-Borić, član komisije,

Senada Lizde, sekretar komisije

Identifikacijski broj 4227691540005
Transakcijski račun: Raiffeisen bank dd BiH Sarajevo,
glavna filijala Mostar 1610200062470038



Depozitni račun: Federalna taksa za korištenje autoceste
1610200062470232 i Naknada za korištenje cestovnog zemljišta
1610200062470135

ZAPISNIK
 o zaprimanju ponuda
 /prilog Zapisniku o otvaranju ponuda/

Broj nabavke: 01-01.3-1221-1/15

Naziv predmeta nabavke: Oglasaivanje na web portalu KCIX.BZ

Krajnji rok za dostavljanje ponuda: 10.04.2015.

SPISAK BLAGOVREMENO PRISTIGLIH PONUDA

Red broj	Naziv ponuđača	Datum prijema	Sat prijema	Ponuda zatv. da/ne	Ponuda ošteć. da/ne	Napomena
1.	Tuter Soft d.o.o. Sarajevo	10.04.2015	11:24	DA	NE	—

/Prilikom zaprimanja na omotnici ponude će se ubilježiti broj protokola, redni broj, datum i vrijeme zaprimanja prema redoslijedu zaprimanja/

Služba Protokola: Amira Džedra
 Sekretar Komisije: Amira Džedra



ZAPISNIK
o zaprimanju ponuda
/prilog Zapisniku o otvaranju ponuda/

Broj nabavke: 0A-0A3-1221/AS S-L

Naziv predmeta nabavke: OGLAŠAVANJE NA WEB PORTALU "KLIX.BA"

Krajnji rok za dostavljanje ponuda: 22.04.2015. GOD DO 16:00 SATI

SPISAK BLAGOVREMENO PRISTIGLIH PONUDA

Red broj	Naziv ponuđača	Datum prijema	Sat prijema	Ponuda zatv. da/ne	Ponuda ošteć. da/ne	Napomena
1.	"INTERSOFT" d.o.o SARAJEVO	22.04.2015.	10:18	DA	NE	—

/Prilikom zaprimanja na omotnici ponude će se ubilježiti broj protokola, redni broj, datum i vrijeme zaprimanja prema redoslijedu zaprimanja/

Služba Protokola: Armin Dževljan
Sekretar Komisije: Senada Jukić

